

Artzeney / also haltens gemeinglich die *Theologi*,
in 4. sentent. dist. 34. Canonistae in tit. de frigid. &
mal. & in d. 33. q. I. cap. Si per fortiaras. Es kan
 aber solche Verhindernuß / von dem Teuffel /
 auff vielerley weiß angestellt werden / oder daß
 er die Leiber verhindert / daß sie sich nicht vnder
 einander berühren mögen / oder daß er in
 geheim brauchet / etliche wirckliche kräfte
 solcher ding / die er gantz wol erkennt / darzu
 dienstlich vnd kräftig seyn / oder daß er
 verwirret die Einbildung vnd Phantasey / also /
 daß er ein Ehegemahel dem anderen verhasset
 mache: Oder daß er verhindert die sendung der
 Geister / zu den Gliederen / in welchem ist /
 vnd behalten wirdt / die bewegende vnd
 sammenzeugende krafft / vnd auff viel andere
 Gestalt / den Teuffeln wol bekandt / vns aber
 verborgen. Vber diese Materi / lese *Paludanum in*
4. sentent. dist. 34.

Der siebende Beschluß.

DJe Zauberer durch hülff deß Teuffels /
 können kranckheiten erwecken / auch Men-

Zauberer erwecken
 Krank-

-schen vnd Viehe / durch jhr Zauberey
verderben vnd tödten.

heiten, so wol
de[m]
me[n]schen
als
de[m] Viehe.

Hi. 2,7
Dß ist fürnemlich zu sehen / auß der
Historien Job am 2. Cap. welchen der Sathan
geschlagen / mit einem bösen geschwär /
von den Fußsolen / biß zu dem
Hirmscheitel / vnd im Euangelio Luc. 13.
Mk. 9,
14-29
vnnnd Marc. 9. Hat der Teuffel ein Menschen
Taub vnd Stumme gemacht. Vnd der H.
Augustinus / in dem Buch von der
Cod. 9,
18
warsagung / Ca. 6. zeuget / daß er offtermal
Gewalt empfahe / Kranckheiten zu
erwecken / vnd die Lufft zur Kranckheit zu
vergifften: Auch ist dasselbig zu erweisen aus
den Gesetzen. *Multi c. de malefic. & Mathem.*
Viel (sagt der Gesetz) mit Zauberkunst
zerstören die Elementen / haben kein
scheuwe / der vnschuldigen Leben zu
verfolgen / vnd mit bereyten Händen /
Rathschlagen vnder sich / wie ein jeder mit
bösen Künsten sein Feindt verderbe vnd
hinricht: Solche / dieweil sie der anturen
frem[b]d / verzehre ein grausame Pest. Diese
ding verrichten die Zauberer / durch
natürliche Mittel vnd Vrsachen / als Giff /

Verlippung / Kreuter / vnd andere dergleichen / welche sie auff viele Sorten wissen zu bereyten vnd klüglich zu brauchen. Es zehlen etlich / das *Auerroes* den *Auicennam* vergiffet habe / in dem er Gifft gelegt / auff die Bletter eines Buchs / darinn *Auicenna* pflaget zu lesen: Wie viel mher weiß die Teuffelische Kunst alle ding auff aller heimlichst zu verrichten. Von solchen Kreutern / damit man die menschen tödtet / wirdt gedacht / in *L. 3. §. adiectio. & Seq. ff. ad lege[m] Corneliam de sicariis et de veneficis*. Solche sind Bangenkraut / Wolffsmilch / Alraun / Fichtenwürm / vnd sonst vnzehlig viel den Gelehrten / vnd den *Medicis* insonderheit kündig. Jederweil verfälschen die vmbstehende Lufft / welche der mensch mit de[m] Athem in sich zeucht: Jederweil stellen sie nach den schlaffende[n]. Es ist aber den alten Hexen gantz gemein / d[as] sie die zarte säuglich vn[d] junge kinder mit de[m] Gesicht verzaubern / vn[d] das geschicht jederweil (wie die *Doct.* sagen) auß einer stracker einbildu[n]g auff diese weise / die starcke einbildu[n]g vere[n]dert die geister deß angeheff-

-ten Leibs / vnd geschicht solche verenderung
der Geister / am meisten in Augen / zu welchen
die / die reyneste vnd scharpfeste Geister
kommen / die Augen aber beflecken vn[d]
vergifften / die an einander hangende Lufft / biß
zu dem vorgestellten Endt: Gleich als ein enwuer
vnnnd reyner Spiegel / durch anschauen eines
Blutflüssigen Weibs / wie *Aristoteles* lehret in dem
Buch / von de[m] schlaffen vnd wachen /
beflecket wird: Also / das Gemüth einer alten
Hexen gantz ernsthafftig / zur Boßheit
angereytzet / mit einem gifftigem vnnnd
schädlichem ansehen vergifftet / den zarten Leib
eines Kinds. Auch schichts / daß zu solchem
Effect vnd Wirckung / auß vorgehendem
Bundt / der böß Geist mit einlauffet / vnd
heimlich das Kindt verletzet.

Der achte Beschluß.

DJE Zauberer können viel Kranckheiten
heylen / welchen keine Kunst noch Wissenheit
der Artz / helffen kann: Jedoch nicht alle.

DAs erste Theil wirdt bewäret / Dann sie
gebrauchen sich der